



Na osnovu člana 53. Poslovnika o radu Skupštine Brčko distrikta BiH („Službeni glasnik Brčko distrikta BiH“ – prečišćeni tekst broj 54/18 i brojevi: 17/20 i 24/20) i člana 25 Kodeksa ponašanja poslanika Skupštine Brčko distrikta BiH („Službeni glasnik Brčko distrikta BiH“ broj 14/24), Komisija za izbor i imenovanje i mandatno-imunitetska komisija Skupštine Brčko distrikta Bosne i Hercegovine raspisuje

**JAVNI KONKURS**  
**za izbor 3 (tri) člana Komisije za sprovođenje Kodeksa ponašanja**  
**poslanika u Skupštini Brčko distrikta BiH iz reda građana**

**I - Raspisivanje Javnog konkursa**

Komisija za izbor i imenovanje i mandatno-imunitetska komisija Skupštine Brčko distrikta Bosne i Hercegovine (u daljnjem tekstu „Konkursna komisija“) raspisuje Javni konkurs za izbor 3 (tri) člana Komisije za sprovođenje Kodeksa ponašanja poslanika u Skupštini Brčko distrikta BiH iz reda građana.

Članove Komisije za sprovođenje Kodeksa ponašanja poslanika u Skupštini Brčko distrikta BiH iz reda građana imenuje Skupština Brčko distrikta BiH.

Mandat članova Komisije za sprovođenje Kodeksa ponašanja poslanika u Skupštini Brčko distrikta BiH iz reda građana traje 4 (četiri) godine, počevši od dana imenovanja.

**II - Ravnopravna zastupljenost**

U sastavu Komisije za sprovođenje Kodeksa ponašanja poslanika Skupštine Brčko distrikta BiH nastojat će se obezbijediti zastupljenost spolova, u skladu sa Zakonom o ravnopravnosti spolova u Bosni i Hercegovini.

**III - Opći uslovi**

Opći uslovi koje član Komisije za sprovođenje Kodeksa ponašanja poslanika u Skupštini Brčko distrikta BiH iz reda građana treba da ispunjava su sljedeći:

- 1) da je punoljetan;
- 2) da je državljanin Bosne i Hercegovine
- 3) da ima prebivalište na teritoriji Brčko distrikta BiH.

**IV - Posebni uslovi**

Pored općih uslova član Komisije za sprovođenje Kodeksa ponašanja poslanika u Skupštini Brčko distrikta BiH iz reda građana mora ispunjavati i posebne uslove:

- 1) da se protiv lica ne vodi krivični postupak,

- 2) da nije član političke stranke,
- 3) da ima najmanje deset godina iskustva u obavljanju poslova odabrane profesije,
- 4) da ima nesumnjiv ugled u društvu koji se dokazuje odgovarajućim referencama,
- 5) poželjno je da je uključen u društveno-koristan rad, kao i da ima eventualno javno zapažen angažman na pitanjima od interesa javnosti.

## V – Dokumentacija

Prijava na Javni konkurs treba da sadrži sljedeću dokumentaciju:

1. prijavni obrazac s kontakt podacima podnosioca prijave, listom dostavljenih dokumenata i svojeručno potpisan od podnosioca prijave;
2. uvjerenje o državljanstvu;
3. uvjerenje o prebivalištu;
4. uvjerenje o nevođenju krivičnog postupka;
5. potpisana i ovjerena izjava da lice nije član političke organizacije;
6. uvjerenje ili potvrda poslodavca o radnom iskustvu u obavljanju poslova odabrane profesije;
7. drugu dokumentaciju koja dokazuje uslove iz tačke IV alineja 4) i 5).

Kandidati podnose prijavu u zatvorenoj koverti lično u zgradu Skupštine Brčko distrikta BiH u prijemnu kancelariju ili poštom na adresu: Skupština Brčko distrikta BiH — Komisija za izbor i imenovanje i mandatno-imunitetska komisija, Mladena Maglova br. 2, 76100 Brčko, s naznakom:

„PRIJAVA NA JAVNI KONKURS ZA IMENOVANJE TRI ČLANA KOMISIJE ZA SPROVOĐENJE KODEKSA PONAŠANJA POSLANIKA U SKUPŠTINI BRČKO DISTRIKTA BIH IZ REDA GRAĐANA - NE OTVARAJ”.

Potpisana prijava na javni oglas podnosi se na propisanom prijavnom obrascu koji se može preuzeti na pisarnici Skupštine Brčko distrikta BiH kao i na zvaničnoj web-stranici Skupštine Brčko distrikta BiH ([www.skustinabd.ba](http://www.skustinabd.ba)).

Javni konkurs će se objaviti na zvaničnoj internet stranici Skupštine Brčko distrikta BiH i RNU „Radio Brčko”.

Rok za podnošenje prijave je 8 (osam) dana od dana posljednjeg objavljivanja Javnog konkursa u jednom od navedenih sredstava informisanja.

Neblagovremene i nepotpune prijave neće biti razmatrane.

Po zatvaranju javnog konkursa, Konkursna komisija vrši pregled i klasifikaciju prijava kandidata za one koji ispunjavaju uslove tražene javnim konkursom.

Konkursna komisija će obavijestiti putem zvanične web-stranice Skupštine Brčko distrikta BiH sve prijavljene kandidate o rezultatima izvršene klasifikacije kandidata najkasnije pet dana prije održavanja intervjua s kandidatima koji ispunjavaju uslove propisane Javnim konkursom.

Nakon provedenog postupka intervjuisanja Konkursna komisija će sačiniti rang-listu s redosljedom kandidata, prema ukupnom broju bodova za svakog kandidata i dostaviti Skupštini Brčko distrikta BiH na razmatranje.

Skupština Brčko distrikta BiH će cijeneći položaj kandidata na dostavljenoj rang-listi donijeti odluku o imenovanju tri člana Komisije za sprovođenje Kodeksa ponašanja poslanika u Skupštini iz reda građana.

Za sve dodatne informacije zainteresirani kandidati se mogu obratiti u Skupštinu Brčko distrikta BiH na broj: 049/215/516 lokal - 106.

Broj: 01.7-48-117/24

Brčko, 20.06.2024. godine

**PREDJEDAVAJUĆA  
KOMISIJE ZA IZBOR I IMENOVANJE  
I MANDATNO-IMUNITETSKE KOMISIJE**



**Ina Pamukčić**

*Ina Pamukčić*

